

Diese Schluss-und Kollektenlieder habe ich getextet, damit es den sehr verehrten Mund-Art-Gottes-Dienst-Besuchern etwas leichter fällt, den am Ausgang stehenden Körbchenhaltern einen kleinen Betrag zu spenden.

Do vorne is e Kerbche
(Heile, heile Gänsje)

Es Lewe kann sehr deier sei,
so is das in der Welt,
e jeder will was vun dir hann,
all wollen se dei Geld.
Drum hall's zusamme, bass druff uff,
gäb's unnötig net aus.
Doch heit derf's mol e Ausnahm sei,
rick nor mol ebbes raus.
Weil vorne, wo eraus mer geht,
änner mit em Kerbche steht!

Refrain:

Do vorne is e Kerbche,
geh net dro verbei!
Do steht änger mem Kerbche,
schmeiß em ebbes nei!
Geiz ist geil, vergess den Scheiß
un ebbes in das Kerbche schmeiß!

Komm rick e Euro raus
(Komm hol das Lasso raus)

Komm rick e Euro raus
un schmeiß ne vorne in das Kerbche!
Es künne a zwä, drei sei,
un wann's mehr sinn, saa mer nix.

Sei nur net so sparsam
un lass dich net lumpe!
Steck de Geldbeil net eweg
un hol e Euro raus!
's fer e guter Zweck.

Strophe:

Es Lewe, ja des is net billich heit,
das is bekannt, das wissen alle Leit.
Un iwverall werd kräftich abkassiert,
die Händ wern uffgehall, ganz ungeniert.
Doch wann mer annre helpe kann,
dann kommts net uff e Euro an.
Jetzt sei net so un mach de Geldbeil uff!



Komm rick e Euro raus
un schmeiß ne vorne in das Kerbche!
Es könne a zwä, drei sei,
un wann's mehr sinn, saa mer nix.

Sei nur net so sparsam
un lass dich net lumpe!
Steck de Geldbeil net eweg
un hol e Euro raus!
's fer e guter Zweck.

Mach dir nie mehr Sorgen um Geld
(Cro: Einmal um die Welt)

Baby bitte mach dir nie mehr Sorgen um Geld
Gäb's do vorne dem Mensch,
der wo des klää Körbche hält!

Baby bitte mach dir nie mehr Sorgen um Geld
Geb's do vorne dem Mensch,
der wo des klää Körbche hält!

Ob e Euro, ob zwää oder fünf, das is mäh,
a e Zehner dät vorne in's Körche nei geh

*Mach de Geldbeil uff un hol was raus
un sei nor net so geizich,
denn die Presbyter zählen
no dem Gottesdienschd gern fleißich
Doch so viel vun dem klää Gerassels
han die net so gern
die duhn lieber das Knistere
vun de große Scheine hörn*

*Geb dein Herz e Stoß es is fer e guter Zweck
gäb deu Geld do vorne ab un net fer an'rer Dreck*

Baby bitte mach dir nie mehr Sorgen um Geld
Geb's do vorne dem Mensch,
der wo des klää Körbche hält!

Baby bitte mach dir nie mehr Sorgen um Geld
Geb's do vorne dem Mensch,
der wo des klää Körbche hält!

Mach was los (Atemlos)

Do vorne steh zwää Leit
me`m Korb in de Hand, ooh ...
un wär das dann net schää,
wär der voll bis zum Rand, ooh ...
Drum mach de Geldbei`l uff,
leg e paar Euro dezu, ooh ...
Dann duhsche ganz viel Gutes
un `s Gewisse hat Ruh, ooh ...
Denn das ääne is gewiss,
dass e ebbes Schäänes is,
wann mer annre helfen kann,
darum hör uns an:

Ref: |: Mach was los, rick was raus,
deine Spende zahlt sich aus!
Mach was los, leg was nei,
das kann nie e Fehler sei! :|

Mer sin heit net geizisch, es macht Glücksgefühle,
wenn man was mit andre dääle kann.
Von paar Euro trenn dich, des wird dir net weh du,
nemm se in die Hand, mer frään uns dann!

Ref: |: Mach was los, rick was raus,
deine Spende zahlt sich aus!
Mach was los, leg was nei,
das kann nie e Fehler sei! :|

Mach was los!

Ein bisschen Frieden

Strophe:
Gehsche do vorne zum Ausgang enaus
hol e paar Euro
aus em Geldbei`l eraus
leg se ins Körbche
s is fer e gut Sach
denn Gutes wird domit gemach

Refrain:
E bissje Bimbese e bissje Kohle
das kannsche ruhisch
aus dei`m Geldbei`l hole
E bissje Bimbese e bissje Bares
e bissje Zaster das duht net weh

Nur e paar Euro nur e paar Flocke
die kannsch dei`m Geldbeutel
ruhisch entlocke
E bissje Bimbess e bissje Bares
e bissje Zaster dann kannsche geh